

**-UPRAVNI ODBOR-**

Broj: 02-23-2/21

Sarajevo, 12. 07. 2021. godine

Na osnovu člana 129. Zakona o visokom obrazovanju Kantona Sarajevo („Službene novine Kantona Sarajevo“, broj 33/17, 35/20 i 40/20), člana 55. Statuta Univerziteta u Sarajevu, a u vezi sa članom 36. Poslovnika o radu Upravnog odbora Univerziteta u Sarajevu, na osnovu dostavljenog prijedloga Odluke Senata Univerziteta u Sarajevu od 09. 07. 2021. godine, Upravni odbor Univerziteta u Sarajevu je na 46. elektronskoj sjednici održanoj 12. 07. 2021. godine, daje *sljedeće*

MIŠLJENJE

Daje se *pozitivno mišljenje* na prijedlog Odluke Senata Univerziteta u Sarajevu o organizaciji Univerziteta u Sarajevu i njegovih organizacionih jedinica kojom se bliže utvrđuju obaveze Univerziteta u Sarajevu i organizacionih jedinica vezane za upis statusne promjene pripajanja fakulteta, akademija i naučnoistraživačkih instituta jednom pravnom licu Univerzitet u Sarajevu shodno rješenjima Općinskog suda u Sarajevu o izmjenama podataka u sudskom registru Univerziteta u Sarajevu i organizacionih jedinica Univerziteta u Sarajevu od 01. 07. 2021. godine, uz obavezu usklađivanja prijedloga Odluke sa generalnim napomenama Upravnog odbora koje se odnose na sljedeće:

- Preambula prijedloga Odluke treba da sadrži informaciju o pravnom osnovu za donošenje odluke odnosno naznaku odredbi iz kojih proizlazi ovlaštenje za donošenje odluke, a koji vezuje za Zakon o visokom obrazovanju KS, Statut Univerziteta u Sarajevu i Elaborat o provođenju Odluke Skupštine Kantona Sarajevo o pripajanju fakulteta akademija i naučnoistraživačkih instituta Univerziteta u Sarajevu, pri čemu fakulteti, akademije i naučnoistraživački instituti gube pravne subjektivitet i nastavljaju sa radom kao organizacione jedinice Univerziteta bez svojstva pravnog lica, broj: 11-01-38-13543-6/18 od 29. 11. 2018. godine. U postojećoj preambuli prijedloga ove Odluke naznačeni su propisi koji ne predstavljaju pravni osnov.
- U pogledu naziva neophodno je da prijedlog Odluke sadrži informacije o materiji koja se uređuje i na osnovu kojih se akt identificira, postojeći naziv nije adekvatan.
- Član 2. (principi poslovanja) prijedloga Odluke mora biti usklađen sa relevantnim propisima i odlukama Upravnog odbora Univerziteta u Sarajevu od 6. 07. 2021. godine.

**PREDSJEDNIK
UPRAVNOG ODBORA**

Dr.sc. Murat Ramđanović

Dostaviti:

- Senatu Univerziteta u Sarajevu
- Predsjedniku i članovima Upravnog odbora Univerziteta u Sarajevu
- Generalni sekretar
- U dokumentaciju Upravnog odbora
- a/a

**-UPRAVNI ODBOR-**

Broj: 02-23-3/21

Sarajevo, 12. 07. 2021. godine

Na osnovu člana 129. Zakona o visokom obrazovanju („Sl. novine Kantona Sarajevo“, broj: 33/17, 35/20 i 40/20), člana 55. Statuta Univerziteta u Sarajevu i člana 36. stav (1) Poslovnika o radu Upravnog odbora Univerziteta u Sarajevu, na Zahtjev direktorice Centra za istraživanje i razvoj Univerziteta u Sarajevu prof. dr. Maje Arslanagić-Kalajdžić kojim se traži saglasnost za potpisivanje Ugovora o grantu shemi za istraživačkorazvojne projekte, broj: 0101-7044/21 od 09. 07. 2021. godine, Upravni odbor Univerziteta u Sarajevu, na 46. elektronskoj sjednici održanoj dana 12. 07. 2021. godine, donio je *s l j e d e ć u*

ODLUKU**I**

Daje se saglasnost za potpisivanje Sporazuma između Razvojnog programa Ujedinjenih naroda i Univerziteta u Sarajevu (skraćeno: UNDP), gdje UNDP služi kao partner u provedbi projekta pod nazivom: „Boljom upravom do bržeg ekonomskog rasta (EGG)“, između sporazumnih strana.

II

Obavezuje se rektor Univerziteta u Sarajevu da o realizaciji ugovorenih obaveza i utrošku sredstava dostavi pisani izvještaj Upravnom odboru.

IV

Ova Odluka stupa na snagu danom donošenja.

Obrazloženje

Upravnom odboru Univerziteta u Sarajevu je putem Centra za istraživanje i razvoj Univerziteta u Sarajevu, upućen Zahtjev za saglasnost za potpisivanje – Ugovor o grantu shemi za istraživačkorazvojne projekte, broj: 0101-7044/21 od 09. 07. 2021. godine.

Polazeći od činjenice da su predmetnim Sporazumom između Razvojnog programa Ujedinjenih naroda i Univerziteta u Sarajevu, gdje UNDP služi kao partner u provedbi projekta pod nazivom: „Boljom upravom do bržeg ekonomskog rasta (EGG)“, osigurana sredstava u iznos od 120.000,00 KM, isti je dostavljen radi odlučivanja o korištenju sredstava u iznosu preko 100.000,00 KM.

Predmetni zahtjev se vezuje za davanje saglasnosti u cilju korištenja i realizacije namjenskih finansijskih sredstava u iznosu od 120.000,00 KM i implementaciji predmetnog Projekta.

31

U odnosu na naznačeno, s obzirom da se radi o zaključivanju poslova koji prelaze ovlaštenja rektora i o korištenju sredstava preko iznosa kojima može raspolagati rukovodilac visokoškolske ustanove, Upravni odbor je odlučio kao u dispozitivu.



**PREDSJEDNIK
UPRAVNOG ODBORA**

Dr. sc. Murat Ramadanović



Dostaviti:

- Rektor UNSA
- Senatu UNSA
- Predsjednik i članovi UO UNSA
- Generalni sekretar
- Direktorici Centra za istraživanje i razvoj UNSA
- Službi za naučnoistraživački rad UNSA
- Služba za računovodstvo i finansije UNSA
- U dokumentaciju Upravnog odbora UNSA
- a/a

Univerzitet u Sarajevu – Obala Kulina bana 7/II, 71000 Sarajevo – Bosna i Hercegovina
Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>
[email: javnost@unsa.ba](mailto:javnost@unsa.ba)